

hafnarsvæðinu, nema með leyfi hafnarnefndar, sem ákveður gjaldið fyrir beitu-tökuna.

36. gr.

Enginn, sem bakað hefur sér refsingu eða skaðabótaskyldu fyrir brot á reglugerð þessari, má fara burt úr höfninni, meðan mál hans stendur yfir óútkljáð, nema hann setji tryggingu, er hafnarnefnd tekur gilda.

37. gr.

Hverja þá skipun, sem samkvæmt reglugerð þessari má gefa skipi, skal gefa stýrimanni, ef skipstjóri er eigi á skipinu, og eigi heldur umboðsmaður hans. Ef stýrimaður er fjarverandi, má gefa einhverjum öðrum af skipshöfninni skipunina, og er það jafngilt sem skipstjóri hefði fengið skipunina sjálfur.

38. gr.

Brot gegn reglugerð þessari varðar sektum, allt að kr. 30 000.00, nema þyngri refsing liggí við samkvæmt lögum. Sektirnar renna í hafnarsjóð Hofsóshrepps.

39. gr.

Mál út af brotum á reglugerð þessari, skal fara með að hætti opinberra mála.

Reglugerð þessi, sem sett er samkvæmt hafnalögum nr. 48 29. apríl 1967, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli. Jafnframt fellur úr gildi hafnarreglugerð fyrir Hofsóskaupstún, nr. 13 12. janúar 1950, með síðari breytingum.

Samgöngumálaráðuneytið, 8. júlí 1968.

Eggert G. Þorsteinsson.

Kristinn Gunnarsson.

REGLUGERÐ

um breytingu á reglugerð um breytingu á hafnarreglugerð
fyrir Neskaupstað, nr. 190 5. nóvember 1963.

1. gr.

26. gr. reglugerðarinnar orðist þannig:

- A. Skip, sem eru eign búsettra manna í Neskaupstað og skrásett þar, skulu greiða einu sinni á ári 8 krónur af hverri brúttórúmllest, þó aldrei minna en 60 krónur. Auk þess greiða þau skip, sem stunda millilandasiglingar 90 aura af hverri nettórúmllest í hvert sinn, er þau koma á höfnina úr millilandasiglingu.
- B. Skip, sem sigla eftir opinberum ferðaáætlunum greiða 90 aura af hverri nettórúmllest í hvert skipti, sem þau leggjast á Neskaupstaðarhöfn.
- C. Öll önnur skip, sem til hafnar koma, með þeim undantekningum, sem að framan greinir, skulu greiða 150 aura af hverri nettórúmllest.

2. gr.

28. gr., staflíður A og B orðist þannig:

- A. Af öllum aðkomuskipum greiðist 90 aurar af nettórúmllest fyrir fyrsta sólarhringinn og 60 aurar á nettórúmllest fyrir hvern sólarhring eða brot úr sólarhring, er fram yfir er.

- B. Bátar og skip, heimilisföst í Neskaupstað, skulu greiða 8 krónur af hverri brúttórúmllest á ári.

3. gr.

29. grein reglugerðarinnar fellur niður og breytist röð eftirfarandi greina í samræmi við það.

4. gr.

35. gr., sem verður 34. grein, orðist þannig:

Vörugjaldskrá:

1. flokkur. Gjald 300 aurar fyrir hver 100 kg:

Kol, salt, sement, stálvörur, stálvír, nýr fiskur með haus, óverkaður saltfiskur, alls konar óunnið járn, fiskimjöl, síldarmjöl, lýsi, fóðurmjöl, korn- og mjölvara, alls konar sykur, tilbúinn áburður, garðávextir, verkaður saltfiskur, freðfiskur, frosin síld, timbur, sem reiknað er eftir þyngd.

2. flokkur. Gjald 360 aurar fyrir hver 100 kg:

Fuel-olía, saumur, eldfastur leir, gólf- og veggflísar, eldfastir steinar, múrhúðunarefni, vikursteinar, vikurplötur, þakhellur, steinsteyptar vörur, eldavélar og tilheyrandi, kaðlar, pappír til húsagerðar, asbest, kalk, mör, tólg, bárujárn, kjöt, gufuvélar, hreyflar, varahlutir til véla, tjara, asfalt, hvers konar landbúnaðarvélar, fræ, bifreiðar og varahlutir til þeirra, alls konar fiskumbúðir, tvistur, skreið.

3. flokkur. Gjald 450 aurar fyrir hver 100 kg:

Brennsluolíur (aðrar en fuel-olíur) og benzín.

4. flokkur. Gjald 500 aurar fyrir hver 100 kg:

Vatnsleiðslu- og miðstöðvarvörur, hrogn, strigapokar, útgerðarvörur, s. s. línur, önglar, net og nætur, kitti, gærur, garnir, gashylki, jurtafeiti, smurningsolíur, ull, ullarballar, akkeri, blý, plötuviður, smjör, smjörliki, ostur, mjólk, rjómi, vír og vírnet.

5. flokkur. Gjald 750 aurar fyrir hver 100 kg:

Málning og efni til málningar, lakk, lím, gips, korkvörur, brauðvörur, kex, linoleum, pappír og pappírsvörur, bækur, olíufatnaður, skinn (hörd), svo og allar vörur ótaldar annars staðar.

6. flokkur. Gjald 100 aurar fyrir hver 10 kg:

Veggfóður, hráefni til iðnaðar s. s. essensar, sýrur, brennisteinn o. þ. h., gúmmi og gúmmívörur, siglingatæki, s. s. áttavitar, dýptarmælar og hraðamælar, niðursuðuvörur, tin, zink, olíuofnar, verkfæri, s. s. smíðatól, rekur og hakar, emalleraðar vörur, leirvörur, algengar, smávélar s. s. prjónavélar, saumavélar, skilvindur, smáiðnaðarvélar o. þ. h., hreinlætisvörur s. s. þvottaefni, sápur, sódi, gólf-, skó- og húsgagnaáburður, gólfklútar, glervörur algengar, eldhúsáhöld, járnkeðjur, meðalalýsi, kjötvörur s. s. pylsur.

7. flokkur. Gjald 135 aurar fyrir hver 10 kg:

Baðlyf, ljósefni s. s. vax, karbid o. þ. h., maccaroni, blikkvörur, bökunarvörur s. s. dropar og gerduft, vörur úr eir, messing, brons o. þ. h., barnavagnar, divanar og efni í þá, leður og leðurvörur, lyfjavörur, ávextir þurrkaðir og nýir, öl- og gosdrykkir.

8. flokkur. Gjald 160 aurar fyrir hver 10 kg:

Rafmagnsvörur, kryddvörur, ljósmyndavörur, viðtæki, hátalarar, viðtækjaefni, eldspýtur, te, kaffi, kaffibætir, húsgögn, peningaskápar, jóla-

- tré, kerrur, hjólbörur, hverfisteinar, rúðugler, segldúkur, prentsverta, kvikmyndafilmur, efnagerðarvörur.
9. flokkur. Gjald 270 aurar fyrir hver 10 kg:
Smáhljóðfæri, tónvélaþlötur, skrifstofuáhöld, vefnaðarvörur, fatnaður, klukkur, mælar, sínayörur, súkkulaði, kakaóduft, leikföng, sýnishorn, o. þ. h., brýni, rafgeymar, skófatnaður (ekki gúmmí).
10. flokkur. Gjald 560 aurar fyrir hver 10 kg:
Tóbaksvörur, tóbak, vín, spiritus, bólstrunarvörur, hárvötn, snyrtivörur, skartgripir, ilmvötn, dúnn, fiður.
11. flokkur. Gjald 75 aurar fyrir hvert teningsfet:
Timbur og aðrar vörur, sem reiknaðar eru eftir rúmmáli.
12. flokkur. Gjald 150 aurar fyrir hvert stykki:
Tómar tunnur.
13. flokkur. Gjald 190 aurar fyrir hvert stykki:
Endursendir öl- og gosdrykkjakassar og aðrar tómar umbúðir.
14. flokkur. Gjald 300 aurar fyrir hverja tunnu:
Saltsíld.
15. flokkur. Gjald 110 aurar fyrir hver 100 kg:
Síld, sem lögð er á land til bræðslu, söltunar eða frystingar, nýr fiskur, ísvarinn og saltaður lagður á land úr fiskiskipum.
16. flokkur. Gjald 40 aurar fyrir hver 100 kg:
Loðna og kolmunni, sem lögð eru á land til bræðslu eða frystingar.
Fiskkaupandi eða verkandi afla er ábyrgur fyrir gjaldinu.
Minnsta gjald, sem reiknað er af sendingu, er 300 aurar.

5. gr.

36. gr. sem verður 35. grein, staflíður A, B og C, orðist þannig:

- A. Skip, sem um getur í 26. gr. A, skulu greiða 100 aura fyrir hverja brúttórúmllest á ári, þó ekki minna en 25 krónur árlega.
- B. Skip, sem um getur í 26. gr. B, skulu greiða 25 aura fyrir hverja nettórúmllest hvert sinn, er þau koma til hafnar, þó ekki yfir 100 krónur í hvert skipti. Innlend fiskiskip skulu þó ekki greiða ljósgjald oftast en tvisvar í mánuði.
- C. Skip, sem um getur í 26. gr. C, skulu greiða 45 aura fyrir hverja nettórúmllest í hvert sinn, er þau koma til hafnar, þó ekki yfir 180 krónur hverju sinni.

Reglugerð þessi, sem sett er samkvæmt hafnalögum nr. 48 29. apríl 1967, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 8. júlí 1968.

Eggert G. Þorsteinsson.

Kristinn Gunnarsson.

REGLUGERÐ

um gjald fyrir tolleftirlit í tollvöruheymslum.

1. gr.

Fyrir vinnu við tolleftirlit í tollvöruheymslu, ber geymsluhafa að greiða gjald til viðkomandi tollstjóra.